

أبو العبد: لحقو حالكو، لحقو حالكو! دفاتر للبيع!

الراوي: زي السنة الماضية وقبل بداية السنة التعليمية، كبست الزباين على الدكانة عشان تتشري دفاتر.

أبو العبد: هاي السنة موصلنيش كتير دفاتر. ضل عندي ثلاث دفاتر بس للبيع.

مشتري رقم 1: أنا بدي أشتري دفاتر.

مشتري 2، 3، 4: وأنا كمان، وأنا كمان

مشتري 2: كمان السنة سعر الدفتر 3 شيقل؟

أبو العبد: لا، السعر ارتفع. السنة الدفتر ب 5 شيقل.

مشتري 3: شو؟ ليه السعر غالي هالقد؟

مشتري 4: مش مهم، أنا بدي أشتري!

أبو العبد: تفضل. ضل عندي دفترين.

مشتري 2: أنا مستعد أدفعلك 6 شيقل على الدفتر، بس بيعني آياه!

مشتري 3: أنا مستعد أدفعلك 10 شاقل بس بيعني الدفتر!

الراوي: أبو العبد ما حب النقاش مع الزباين، عشان هيك قرر ما يبيع الدفاتر هداك اليوم. تاني يوم قرر أبو العبد

يبيع الدفاتر بالسعر الأصلي الي قرررو وباع الدفاتر لأول زباين فاتو لعنده.

مشتري 4: مزبوط، 5 شيقل على الدفتر هاد سعر غالي بس ما في عندي حل تاني.. كنت مجبور أشتري الدفتر لإبني

عشان السنة التعليمية الجديدة.

أبو العبد: أنا بعرف أنه مع بداية السنة الطلب على الدفاتر بكون عالي. كان عندي شوية

دفاتر، عشان هيك سمحت لحالي أرفع السعر.